

**ZAVOD ZA JAVNO ZDRAVSTVO  
TUZLANSKOG KANTONA**

Broj: 07-181-14/18

Datum: 05.12.2018. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14) direktorica Zavoda d o n o s i

**ODLUKU**  
**o izboru najpovoljnijeg ponuđača**  
**u predmetu javne nabavke energenata**

**I**

Prihvata se preporuka Komisije za javne nabavke broj 07-181-13/18 od 04.12.2018. godine i Ugovor o javnoj nabavci energenata za potrebe Ugovornog organa dodjeljuje se ponuđaču HIFA D.O.O. TEŠANJ sa ukupnom cijenom ponude od 10.130,21 KM sa PDV-om kao najpovoljnijem ponuđaču.

**II**

Ugovor o nabavci iz prethodnog člana ponudiće se izabranom ponuđaču nakon isteka roka od 15 dana od dana dostavljanja ove Odluke.

**III**

Odluka stupa na snagu danom donošenja.

**O b r a z l o ž e n j e**

Zavod za javno zdravstvo Tuzlanskog kantona je na osnovu Odluke Upravnog odbora Zavoda za javno zdravstvo Tuzlanskog kantona o pokretanju postupka javne nabavke energenata broj 02-1127-1/18 od 29.10.2018. godine, pokrenuo postupak nabavke energenata putem konkurentskog zahtjeva za dostavu ponuda u postupku javne nabavke energenata broj 07-162-2/18 od 01.11.2018. godine, koji je objavljen na portalu javnih nabavki pod brojem 1247-7-1-262-3-11/18 dana 01.11.2018. godine. Obzirom da je navedeni postupak javne nabavke energenata poništen u skladu sa članom 69. stav (2) tačka e) Zakona o javnim nabavkama BiH (Službene novine BiH br.39/14), jer je cijena jedine prihvatljive ponude znatno veća od osiguranih sredstava za predmetnu nabavku, Ugovorni organ je pokrenuo novi postupak javne nabavke energenata uz korigovanje pojedinačnih količina energenata koji su predmet nabavke, a u skladu sa planiranim finansijskih sredstvima broj 07-181-1/18 od 22.11.2018. godine za koje je objavljeno obavještenje broj 1247-7-1-265-3-14/18 dana 22.11.2018. godine.

Poziv za učešće u postupku predmetne nabavke upućen je na adrese tri dobavljača: ENERGOPETROL D.D. SARAJEVO, PETROL BH OIL D.O.O. SARAJEVO i HIFA D.O.O. TEŠANJ, a tendersku dokumentaciju je preuzelo 5 ponuđača (Izvještaj o preuzimanju tenderske dokumentacije od strane ponuđača broj 07-181-8/18 od 03.12.2018. godine).

U roku za prijem ponuda primljene su dvije ponude ponuđača PETROL BH OIL COMPANY D.O.O. SARAJEVO i HIFA D.O.O. TEŠANJ. Prilikom javnog otvaranja ponuda Komisija je konstatovala da su obje ponude blagovremene i ispravno zapečaćene.

Nakon otvaranja ponuda Komisija je utvrdila da sve pristigle ponude sadrže kvalifikacionu dokumentaciju te je pristupila pregledu istih. Prilikom pregleda ponuda Komisija je konstatovala da ponuda ponuđača HIFA D.O.O. Tešanj sadrži grešku računске

prirode, jer je ponuđač HIFA D.O.O. TEŠANJ naveo ukupnu vrijednost sa popustom iznos od 8.657,50 KM, a prema datim jediničnim cijenama i navedenom popustu od 360,50 KM, vrijednost ponude sa popustom, a bez PDV-a, treba da glasi 8.658,30 KM. Shodno navedenom bi iznos PDV-a trebao da bude 1.471,91 KM, a ne 1.471,77 KM, odnosno ukupna cijena ponude ponuđača HIFA D.O.O. sa uračunatim popustom i PDV-om, prema datim jediničnim cijenama, bi trebala da iznosi 10.130,21 KM, a ne 10.129,27 KM kako je naveo imenovani ponuđač.

Komisija je kontaktirala navedenog ponuđača za obrazloženje, koji se složio sa uočenim greškama i konstatovao da je, shodno jediničnim cijenama datim u ponudi, ukupan iznos ponude sa uračunatim popustom, a bez PDV-a, 8.658,30 bez PDV-a odnosno 10.130,21 KM sa PDV-om. Komisija je konstatovala da je greška isključivo računске prirode i prihvatila obrazloženje ponuđača HIFA D.O.O. TEŠANJ.


U daljem nastavku pregleda i ocjene pristiglih ponuda Komisija je konstatovala da su obje primljene ponude potpune i u skladu sa tenderskom dokumentacijom i procijenjenom vrijednosti za predmetnu nabavku koja iznosi 12.000,00 KM sa PDV-om i konstatovala da je, u skladu sa kriterijumom najniže cijene ponude, ponuda ponuđača HIFA D.O.O. TEŠANJ u ukupnom iznosu 10.130,21 KM sa PDV-om najpovoljnija, te je donešena odluka kao u dispozitivu.

#### ***Pouka o pravnom lijeku:***

Protiv ove Odluke svaki od ponuđača koji nije izabran ima pravo da izjavi žalbu Ugovornom organu Zavod za javno zdravstvo Tuzlanskog kantona u roku od pet dana od dana prijema obavijesti.

#### ***Dostaviti:***

1. Svim ponuđačima
2. a/a



**Direktorica**

*Doc. dr. med.sc. Mulić Maida*